



X

№ 4619 \*

530

00 2



Hochw. d. hochw. Fürstbischöflichen  
Acten Hofes in d. d.  
Mittelnachschickung  
von d. d. Reformirten in  
Frankreich. Hoffolgn.

Abdruck

Zweier nider geworf-  
fener Schreiben / daraus zuersehen/  
mit was geschwinden Practicken die Papisten  
inn Franckreich vmbgangen / wider die  
Herrn vom Adel / vnd andere so sich  
der Reformation der Religi-  
on in Franckreich ge-  
brauchen.



Anno / 1 5 6 8.

1000

Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.



1 2 3 4 5



Copia eines Schrei-  
bens aus Madril in Spagna an die  
alte Königin in Franckreich gesand / im Ju-  
lio dieses acht vnd sechsigsten Jars / dessen  
Original der Herr Prinz von Con-  
de bey sich vnd in seinen  
Handen hat.



Verhlauchtigste/ etc. Aller gne-  
digste Fraw/ Es haben Ewer  
May. sonder zweiffel aus mei-  
nem nehren schreiben/ da dato  
25. des jüngst vorschienen Mo-  
nats vernommen / die vrsach  
meines langwirigen verhar-  
rens allhier / Mitler zeit werd  
ich fast alle Tag zu meiner Allergnedigsten  
Frawen der Königin allhier beruffen/ dieselbi-  
ge gemeiniglich mit mir von den jertzo schweben-  
den leufften vnd tumulten in Franckreich/  
Auch den Herrn so jertziger zeit am Hoff vnd  
bey E. M. sich verhalten/ zu reden pflegt/ Da-  
raus leichtlich die grosse lieb vnd affection/ da-  
mit sie gegen E. M. Personen vnd dieses Kö-  
nigreichs ruhe vnd wolfart geneigt / zuerach-  
ten ist/ Wie denn den 19. ditz / als ich ihre M. r.  
abermaln besucht / vnd von allerley sachen zu-  
rede kommen/ sie gegen mir nachfolgende wort  
austrücklich vermeldt / Sie köndte keines wegs  
glauben/ das dem König ihrem Bruder / vnd

A ij

Ewer

Wer Art. möglich sein wird / den anschlag so  
sie ihnen fürgenomen vnd ihre Art. durch mich  
vorstendiget hetten / zu einem guten ende zu  
bringen / Dieweil ihr zuorn offermals ders  
gleichen entboten / aber nie nichts fruchtbars  
ausgericht worden / vnd das sie sich sehr besorg-  
te / Wer May. würden sich durch etliche / so am  
hoff vnd teglich vmb sie sein / stillen / vñ so lang  
auffhalten lassen / bis die Feind gelegenheit be-  
kommen würden / ein neues fewr vnd vnglück /  
nicht allein wider die Stend / vñnd Autoritet  
des Königs / sondern auch wider E. Art. eigene  
Personen zuerwecken / derhalben sie denn nun  
wenig bekümmert were / Vnd dieweil sie mir mit  
größerer affection / denn vor jemals geschehen /  
vñ ohne zweiffel / wie ich kan erachten / aus  
des Königes ihres Herren / so newlich wieder  
ankommen / beuelch zuuerstehen geben / hab ich  
nicht vnterlassen wollen / E. Art. solches hiez  
mit zuorstendigen / Was aber ihrer Art. vnd  
des Königs gesundheit / auch desselben wider-  
kunfft / sampt des Jungen Herren Prinzen  
tödlichen abgang in seiner gefengnus / vnd an-  
dere dergleichen zeitungen belangt / hab ich dar-  
von zu schreiben vnterlassen / dieweil es nicht  
meines Ampts / Sondern dem Ambasiador /  
durch welchen E. Art. von allerley sachen / nach  
lengst bericht werden / zuthun gebürt / Vñnd  
thu mich hiemit E. A. beuelē / mit vnterthenig-  
ster bitt / mich derselben gehorsambsten vnd ge-  
trewesten diener sein vñ bleibē zulassen / Datum  
Madril in Spagna den Julij Anno 1568.

Wer Art. vnterthenigster vnd ge-  
horsambster Bragnagne,

Copia

**Copia eines andern**  
Brieffs von Madril bey Paris / an  
den Cardinal von Gresqui in Picardien / von  
seinem Diener einem geschrieben / dessen  
Original der Herr Prinz von  
Conde / auch zu seinen han-  
den bekommen  
hat.

**W**ediger Herr / wie ich Ewern G. den er-  
sten ditz hab zugeschrieben / also bin ich  
nach der hoffnung / es sein die sachen /  
die mir E. G. zuvorricken befohlen / von mir  
recht angebracht worden / vnd sol der fürnes-  
mess punct auffß lengst diese künfftige Wochen  
erlediget werden / Als denn wil ich selbst Per-  
sönlich E. G. allen guten bericht / neben der  
Commission / die Ewer G. begeret haben / mit-  
bringen / Ich hab aber die sachen so fürderlich /  
als E. G. vermeint / nicht mögen verrichten /  
denn ich fast fünff Tag dem Hoff bin nachge-  
zogen / ehe ich die Königin mit fug anzusprech-  
en / vnd ihrer May. den inhalt meiner Instru-  
ction vnd werbung fürzutragen / gelegenheit  
gehabt / vnd ist zum theil des Königes schwach-  
heit daran hindernus gewest / Zu dem so ist auch  
dieser zeit der Hoff an einem sehr vngelegener  
ort / auch die geschafft vnnd handel so heuffig /  
A iij vnd



NOTA  
Ist der Cardinal von  
Lorringen.

vnd Kommen teglich so mancherley zeitung von  
allen orten / das die jenigen / die Privat sachen  
vnd sonderbare hendel sollicitiren / lang auff  
gehalten / vnd nicht bald abfertigung mögen  
erlangen / Vnd kan E. G. nicht bergen / das  
one sondern fauor vnd befürderung / des Her  
ren / dem E. G. ein sondern zettel mit eigener  
hand geschriben / ich noch bisher so gute vnd  
zeitige antwort nicht het bekommen / Derwegen  
E. G. diese freundligkeit gegen ime zu bedan  
cken werd wissen / wie ich denn in meinem nech  
sten schreiben / auch gemelt hab / Als ich aber  
Gestern ehegemelten Herrn vmb Mittag es  
sen besucht / ob ich gelegenheit möchte finden /  
ihne E. G. handlung halben anzureden / hat  
er mich gleich / als er wolt an die Taffel sitzen /  
zu sich beruffen / vnnnd mir zuvor wollen  
anzeigen / was dem Marschalck de Cosse / für ein  
abfertigung vnnnd Commission geben worden  
sey / damit ich Ewer G. dessen wüßte zuberich  
ten / Vnnnd nemlich / das beyde der König vnd  
die Königin hetre beuohlen / den fürnehmsten  
Adels Personen in Picardien / die der newen  
Religion anhengig weren ( vnd vnter andern  
etlichen / die er mir genent / welche E. G. vnnnd  
derselben Geschlecht / abgünstig vnnnd feind  
seind / vnd die E. G. auch selbst wol kennen )  
zuuermelden / das inen der König mit gnaden  
geneigt / vnd sie bey irer Religion schützen vnd  
handhaben woll / vnd ihnen zuvorstehen zuge  
ben / das der König sie für seine getrewe vnd  
fromme Vnterthanen halte / vnnnd das das /  
so er jetzt für habe / allein geschehe / etliche stolze  
vber

uber mütige vnd auffrührische / so in Stedten  
wonen / zustraffen / darmit bestendiger Fried  
im Land angericht / vnd er die vom Adel / was  
Religion auch dieselbigen sein (dieweil sein für  
nembsste macht / auff ihm stehe) recht fauo  
risieren vnd herfür ziehen / vnd sie in ruhe vnd  
einigkeit bey den Edicten vnd gemachten ord  
nungen erhalten möge / So werden auch glei  
ches inhalts Brieff an eeliche / derer Namen  
hieneben verzeichner sindt / inn sonderheit ges  
schickt vnd geschrieben / Dieweil aber andere  
getrewe des Königs Unterthanen vnd gute  
Catholische / da sie diese Commission / auch der  
andern Schreiben inhalt solten vernemen /  
vnnnd nicht bericht würden / wie die Sachen  
gespielet / sich leichtlich er gern / vnd diese fremb  
de Sprachen nicht verstehen würden / vnd son  
derlich weil ihnen bisher wenig ergezung ge  
schehen / für die getrewen dienst / die sie in dar  
setzung ihres Leibs vnnnd Bluts / dem König  
wider seine feind vnd abfelligen geleistet / möch  
ten abwendig werden / So hat er gedachter  
Herr mir ausdrücklich befohlen / E. G. zube  
richten / worauff diese Commission vnd In  
struction gerichtet / vnd was des Königs vnd  
Königin / vorhaben vnd intencion sey / damit  
E. G. allein den jenigen / den es zuuortraw  
en / vnd die die Sachen vorstehn / wenn es die  
notturfft würde erfordern / köndte offenbarn  
vñ kund thun / Vnd ist / dz man an allen orten  
gute fürsichung thu / damit alle Kriegsmacht  
dem König allein zugewant würde / das man  
auch die fürnemsten heupter der widersacher /  
heimlich

Wapen

f. 114

NB  
vespere Si-  
ciliane.

heimlich vnd vnuersehens / möge vberfallen /  
vnd vberhaschen / vnd ihnen sich zurotten / alle  
weg abschneiden / Vnd wenn sie also geschwecht  
(wie denn durch die Mittel / so vor der hand /  
leichtlich kan geschehē) dieses schädliche vnzifer /  
welchs Gott / dem König vnd dem Königreich  
feind ist / ganz vnd gar ausgerottet / vnd nicht  
einer / der mit dieser Kezerey beschmeißt / vberig  
bleibe / denn sich dieses vnkraut / jederzeit wider  
würde besaumen / wo nicht der weg (dessen vns  
vnserer genachbarten / so ein herrlich Exempel  
fürgewiesen vnd gezeigt haben) für die Hand  
genommen würde / vnd das auch mitler weil /  
bis dieses alles ins werck gerichtet / welches sich  
doch lenger nicht / denn bis ins künfftig Wo-  
nat verziehen sol / an alle ort dieses König-  
reichs Porschaffren solten abgefertigt werden /  
zu den fürnemsten vom Adel / die doch die neue  
Religion mit so gar grossen euer nit meinen /  
damit sie mit guten worten auffgehalten / vnd  
so viel möglich / gelindert werden möchten /  
Wie man denn schon etliche befunden / die sich  
betten bereden lassen / vnd were noch hoffnung /  
es solten andere mehr dergleichen thun / damit  
sie zum theil in die sprung gebracht würden /  
Also / das vngezweiffelt mit Gottes hülff bald  
die sach gewonnen / vnd one grossen widerstand  
der Sieg wider die Feind des Christlichen glau-  
bens erhalten werden solt / etc. Vnd dis sind  
fast die wort selbst / welche er gedachter Herr  
mit mir geredt / Welche ich also mit fleis wollen  
behalten / vnd L. G. zuschreiben / damit sie rech-  
ten bericht haben / wie die sachen in waerheit sein  
beschaf?

beschaffen. Nach dem Mittag essen / als eben  
gemelter Herr in sein Gemach gangen / hat er  
mich durch seinen Secretarij widerumb for-  
dern lassen / vnd mir angezeigt / es were das erg-  
ste in diesem ganzen handel / das noch etliche zu  
hoff / die anderst nichts thun / denn das sie al-  
lenenthalben Kiegel vnterschieben / die sachen inn-  
die leng auffzuziehen / vnd dieses gute vnd heil-  
lige werck / welchs schon vor langer zeit beschlos-  
sen / gleich als weren noch viel beschwernissen  
darbey / zuvorhindern sich vnterstunden / Da  
doch alle gute weg vnnnd mittel vor der hand  
waren / vber welche er auch hefftig klaget / mit  
vormelden / das er entlich entschlossen / mit dem  
König vnd der Königin / die sachen mehr denn  
er bisher gethan hat / fort zutreiben / denn ohne  
dieser heimlichen ayeltreger vñ dissimulirer hin-  
dermus / würde schon langst der rechte Gottes  
dienst in Franckreich wider auffgericht / die vn-  
terthanen zu gehorsam gebracht / vnd der Kö-  
nig von aller vnruhe gelediget sein / Welcher  
doch dabey / das dieselben nu menniglich be-  
kant vnd offenbar weren / auch sich jederman  
irer handlung entschläge / vnd das sie vorthin  
nicht mehr die gelegenheit haben würden / wie  
sie meinten / dessen sie auch bald solten innen wer-  
den / Vnnnd ich hab auch wol können mercken /  
das ehrgedachten Herrn die rede / welche der  
König den Tag zuorn mit der alten Köni-  
gin hat gehalten / hart verdrossen hat / die doch  
also mit fleis ist angericht gewesen / denn er fast  
stehend vnd mit auffgehabenden henden / sein  
fraw Mutter gebeten / sie wolle alle mittel er-

B

suchen

suchen / damit die Sache nicht widerumb zu ein  
nem Krieg gerachte / Sondern das Edict vnd  
friede gehalten werde / denn es sonst zu endlich  
em vntergang seines Königreichs vnd gewis  
sen verderben aller seiner Vnterthanen würde  
gelangen / Vnd als die Königin im hiergegen  
den abfal vnd die auffrehr deren von Rochelle  
hette fürgeworffen / hette er / wie er denn schon  
abgericht / darauff geantwort / Die von Ro  
chelle begerten anderst nichts / denn das sie bey  
ihren alten Privilegien bleiben möchten / vnd  
were ihre solch begeren / nicht vnzünftig / würde  
jnen auch vmb gemeines friedens vnd wolffart  
dieser Land willens / dieser zeit viel billicher zu  
gelassen / denn das man widerumb ein Bürger  
lichen vnd inheimischen Krieg solte erwecken /  
So verseehe er sich auch genzlich / die vom Adel  
würden gerne in friede vnd ruhe leben / wo man  
ihnen das Edict getrewlich hielte / mit anges  
hengter höchster vnd anmütiger bitt / sie wolte  
alle sachen zu friede vnd einigkeit wenden / etc.  
Nun sey aber (sagt er gemelter Herr) der Kö  
nigin vnd vielen andern guten Leut höchster  
wunsch vnd begern / das das Königreich wi  
derumb in dem Stand / darinnen es bey dem  
König Francisco vnd Heinrich / ihres Herrn  
Schwehers / vnd Ehegemals jaren gewesen /  
gebracht würde / Vnd hab auch die Königin  
bald gemerckt / das diese Rede ein angelegt ding  
gewesen / auch alsbald die Anstifter derselbt  
gen erkündiget / welche Kleinen danck dauon ge  
tragen / vnd sey sie aber nur deffer begirlicher /  
den König vnd iedermenniglichen zuer stehen  
zugeben /

zugeben / das dis jr jetziges fürhaben / allein da/  
hin gericht sey / darmit der König aus dieser  
dienstbarkeit komme / seinen rechten gewalt er  
lange / vnd das Königreich von dieser vergiff  
ten seuch vnd vnzifer / die es seidher gar einge  
nomen / gereiniget vn erlediget werde / Welche  
wo es in dieser zeit nit geholffen / nit bald die ge  
legēheit widerum / dieser vorstehendē gefahr / zu  
entfliehen sünden / Vñ also nimermehr zu seiner  
alten wörden vnd herrligkeiten kōmen möchte.  
Vnd dis ist in Summa / so viel nu ebe gedachter  
Herr L. G. zu berichten / angezeigt hat / dar  
mit dieselbig auch andern / denen es zuuortraw  
en / vnd die dieser sachen vehig sind / solchs mit  
teilen möge / Ich kan auch hieneben L. G. nicht  
bergen / das ich heut morgens den Herrn von  
Gzaune angetroffen / der sich an L. G. vnter  
thenigst fleis befehlen thut / Was sich nu die zeit  
die ich alhie werde vorharren / weiter zutregt /  
vnd schreibens werd ist / wil ich L. G. befehlich  
nach / derselben jederzeit vormelden /


Nich in vnterthenigkeit hiemit  
beuehle / Datum Madril  
bey Paris den 9. Aug  
usti / Anno

1568.



Faint, illegible text, likely bleed-through from the reverse side of the page.

Ich in werthigheit  
Hochw. D. D. D.  
Hochw. D. D. D.  
Hochw. D. D. D.  
Hochw. D. D. D.



AB 52  $\frac{4}{h.13}$   
1

ULB Halle

3

004 067 266



TA-06






C



Zweier  
fener Schre  
mit was geschr  
inn Franck  
Herrn vo  
der K  
on



Ann



Inches

Centimetres

# Farbkarte #13

Blue Cyan Green Yellow Red Magenta White 3/Color

